

H. No. 3971

S. No. 2293

Republika sang Pilipinas  
**Kongreso sang Pilipinas**

Metro Manila

Una nga Regular nga Sezyon



[ LAYI SANG REPUBLIKA NUMERO 9504 ]

ANG LAYINGA NAGAAMYENDAR SANG SEKSYON 22, 24, 34, 35, 51,  
KAG 79 SANG LAYI SANG REPUBLIKA NUMERO 8424, SUNO  
SA PAGKAAMYENDAR, GINAKILALA MAN NGA 1997  
PUNGSUDNON NGA KASUGUAN SANG RENTAS INTERNAS.

*Ipatuman ini sang Senado kag Deputado nga Nagtililipon sa Kongreso:*

SEKSYON 1. Seksyon 22 sang Layi sang Republika Numero 8424,  
suno sa pagkaamyendar, ginakilala man nga 1997 Pungsudnon Nga  
Kasuguan Sang Rentas Internas, dugang pa nga ginaamyendaran paagi  
sa pagdugang sang mga masunod nga kahulugan sa idalum sa Seksyon  
(FF) kag pagabasahon nga masunod:

“SEK. 22. *Mga Kahulugan.* – Kon gamiton sa Tigulo  
nga ini:

“(A) x x x.

“x x x.

“(FF) x x x.

“(GG) Ang termino nga “minimum nga kinitaan nga  
nagakaigo sa layi” nahanungod sa kantidad nga gintagna

sang Pangrehiyon nga Tripartite Wage and Productivity Board, nga ginhatagan sang kahulugan sang Bureau of Labor and Employment Statistics (BLES) sang Department of Labor and Employment (DOLE).

“(HH) Ang termino nga “nagakita sang minimum” isa ka magatrabaho sa pribado nga sektor nga ginabayaran sang minimum nga kinitaan nga nagakaigo sa layi, ukon, empleyado sa pangpubliko nga sektor nga may kinitaan nga indi magdaku sa minimum nga kinitaan suno sa layi sa sektor nga indi pangmangunguma konsa diin siya nadestino.”

SEK. 2. Seksyon 24(A) sang Layi sang Republika Numero 8424, suno sa pagkaamyendar, ginakilala man nga 1997 Punsudnon Nga Kasuguan Sang Rentas Internas, dugang pa nga ginaamyendaran pagabasahon nga masunod:

“SEK. 24. *Kantidad sang Buhis sa Kita.* –

“(A) *Mga kantidad sang Buhis sa Kita sang Tagsa-tagsa ka mga Pumuluyo kag tagsa ka mga Indibidwal na Indi Pumuluyo Apang Nagatener sa Pilipinas.* –

“(1) x x x:

“x x x; kag

“(c) Sa kinitaan nga ginabuhisan suno sa pagkahulugan sa Seksyon 31 sa Kasuguan nga ini, maluwas pa sa kinitaan nga ginabuhisan sa idalum sang Seksyon (B), (C) kag (D) sang seksyon nga ini, na nakuha sa tagsa ka ginabuhisan nga tuig sa tanan nga mga ginahalinan sang kinitaan sa Pilipinas sang isa ka indi pumuluyo apang nagatener sa Pilipinas.

“(2) *Mga kantidad sang Buhis sa Kinitaan nga Ginabuhisan sang Indibidwal.* – Ang buhis pagakwentahon suno sa kantidad nga ginatagna sa mga masunod:

“Indi magsobra sa P10,000 ..... 5%

“Masobra sa P10,000 apang indi ..... P500+10% sang masobra  
Magsobra sa P30,000 sa P10,000

“Masobra sa P30,000 apang indi ..... P2,500+15% sang masobra  
Magsobra sa P70,000 sa P30,000

“Masobra sa P70,000 apang indi ..... P8,500+20% sang masobra  
Magsobra sa P140,000 sa P70,000

“Masobra sa P140,000 apang indi ..... P22,500+25% sang masobra  
Magsobra sa P250,000 sa P140,000

“Masobra sa P250,000 apang indi ..... P50,000+30% sang masobra  
Magsobra sa P500,000 sa P250,000

“Masobra sa P500,000 ..... P125,0500+32% sang  
masobra sa P500,000.

“Sa mga indibidwal nga may mga asawa ukon bana, ang asawa ukon ang bana, sa idalom sang probisyon sang Seksyon 51 (D), magakwenta sa ila tagsa-tagsa ka mga buhis sa kinitaan base sa ila kabilugan mga kinitaan nga kinahanglan buhis: maluwas lamang kon; ang diin man sa mga kinitaan indi mahibaluan kon kay sin-o kinita, ang kinita nga ini pagatungaon sang parehas sa ila duha para sa tinutuyo nga makuha ang ila ka tagsa-taga ka buhis.

“*Maluwas lang kon*, ang nagakita sang minimum nga kinitaan suno sa pagkahulugan sang Seksyon 22 (HH) sang Kasuguan nga ini, wala na ginapabayad sang buhis sa iya kinitaan: Maluwas lang kon, ang bayad sa kinitaan sa mga adlaw nga gindeklara nga wala sang trabaho, kinitaan sa pagtrabaho nga lampas sa gintagna oras, bayad sa pagtrabaho sa gabii kag bayad tungod sa kadelikaduhon sang trabaho, nga kinitaan sang nagakita sang minimum indi na kinahanglan nga magbayad sang buhis suno sa layi.

“xxx.”

SEK. 3. Seksyon 34(L) sang Layi sang Republika Numero 8424, suno sa pagkaamyendar, ginakilala man nga 1997 Pungsudnon Nga Kasuguan Sang Rentas Internas, dugang pa nga ginaamyendaran, pagabasahon nga masunod:

“SEK. 34. *Mga Ibihin sa Kinitaan nga Wala pa Mabuhinan sang mga Galastuhan.* – Maluwas sa mga nagabayad sang buhis sa ila kinitaan halin sa personal nga serbisyo sa idalum sang kaangtanan sang empleyado kag sang iya ginatrabahuan kon sa diin wala ginapahanugutan ang magbuhin sa idalum sang seksyon nga ini, luwas lang

sang indi sakop sang Seksyon (M), sa pagkwenta sang kinitaan nga kinahanglan buhisan sa idalum sang Seksyon 24(A); 25(A); 26; 27(A), (B), kag (C); and 28(A)(1), pagahanugutan ang mga masunod na igabuhin sa kinitaan:

“(A) *Gastos.* –

“x x x.

“(L) *Istandard nga Buhin nga Pwede Pagapilion.* – Kung wala sang ibuhin bag-o kwentahon ang buhis, sa idalum sang mauna nga mga seksyon, ang indibidwal nga pagabuhisan nga sakop sang Seksyon 24, luwas pa sa mga nagatener sa Pilipinas nga indi pumuluyo sini, mahimo nga magapili sang istandard nga buhin sa kantidad nga indi magasobra sa kwarantana porsiyento (40%) sa iya nga benta ukon resibo nga wala nabuhinan sang gastos. Sa mga korporasyon nga ginabuhisan sakop sang mga Seksyon 27 (A) kag 28 (A) (1), mahimo ini magapamili sang istandard na buhin sa kantidad nga indi magtaas sa napulug-apat ka porsiyento (40%) sang iya kinitaan nga wala pa nabuhinan sang gastos suno sa pagpakahulugan sa Seksyon 32 sang kasuguan nga ini. Luwas lamang kung ginpili sang nagabayad sa buhis sa iya pormas(return) ang iya kagastuhanan sa pagpili sang istandard nga buhin, ginakabig nga iya ginabaton ang mga pagbuhin nga ginapahanugutan sa nauna nga seksyon. Ang ini nga pagpili kon ginpabutyag sa pormas (return) indi na mahimo nga mabawi sa sulod sang bilog nga tuig sang pagbayad sang buhis kung san-o ginhimo ang pormas (return): Maluwas lamang kon, ang nasambit nga indibidwal nga nagakuha sang isatandard nga buhin sa buhis sa kinitaan indi na kinahanglan magsumite sang iya pahayag nga pinansyal (*financial statement*) nga igalakip sa pormas (return) sang buhis sa iya kinitaan suno sa mga probisyon sang Kasuguan nga ini: Kag dugang pa, kon pagapasugtan sang Komisyoner, ang nasambit nga indibidwal, magatago sang mga dokumento nahanungod sa iya benta nga wala nabuhinan sang gastos ukon resibo nga wala pa nabuhinan sang gastos, ukon ang nasambit nga korporasyon may ginatago nga dokumento sang iya kinitaan nga wala pa nabuhinan sang gastos suno sa pagpakahulugan sang seksyon 32 sang Kasuguan nga ini sa sulod sang tugian nga buhisan, suno sa kinahanglanon sang mga palasundan kag

regulasyon sang Sekretaryo sa Pinansya, suno sa rekomendasyon sang Komisyoner.

“(M) x x x. –

“x x x.”

SEK. 4. Seksyon 35(A) kag (B) sang Layi sang Republika Numero 8424, suno sa pagkaamyendar, ginakilala man nga 1997 Punsudnon Nga Kasuguan Sang Rentas Internas, dugang pa nga ginaamyendaran pagabasahon nga masunod:

“SEK. 35. *Ginkasugtan nga Kantidad nga Nagahilway sa Isa ka Nagabayad sang Buhis sa Pagbayad Sini.* –

“(A) *Sa Kabilugan.* – Sa tinutuyo nga mahibaluan ang buhis nga gintagna sang Seksyon 24 (A) sang sini nga Tigulo, sa pagkwenta sang buhis, ginapasugtan ang personal nga buhin sa kinitaan sa kantidad nga napulug lima ka libo ka pesos (P50,000) para sa tagsa ka mga nagabayad sang buwis.

“ Sa kaso sang mga may-bana ukon may asawa, kon sa diin isa lang sa ila ang may kinitaan, ang asawa ukon ang bana nga ini ang pahanugutan nga mahimo ibuhin ang ini ng akantidad.

“(B) *Dugang pa nga kantidad nga Ibihin sa Kinitaan para sa mga Bata* – sa pagkwenta sang balaryan nga buhis, ginapahanugutan pa ang dugang nga buhin sa kinitaan sa kantidad nga Napugduha kag Lima ka Libo ka pesos (P25,000.00) para sa tagsa ka mga bata tubtob sa ika-apat. (4)

“Isa lang sa mag-asawa ang mahimo nga mabuhinan sang kantidad para sa mga bata.

“Kon ang mag-asawa, legal nga nagbulag, ang dugang nga buhin para sa mga bata, magakadto sa asawa nga naga-inakop sang mga bata: Lamang, nga ang kabilugan nga kantidad sa dugang nga buhin sa kinitaan bag-o kwentahon ang buhis nga mahimo mabaton sang duha, indi

magasobra sa maksimum nga dugang nga eksempyon nga ginapahanugutan diri.

“Sa mga tinutuyo sang sab-seksyon nga ini, “ang mga bata” ukon dependyente nagakahulugan nga mga lehitimo, hindi lehitimo ukon gin-adoptar nga bata nga nagasalig gid lamang kag nagapuyo upod sang nagabayad sang buwis kung ang nasambit nga dependyente indi magsobra ang edad sa 21 ka tuig, wala sang asawa kag wala sang pangabuhian ukon ang nasambit nga dependyente, ano man ang edad sini, wala sang kapasidad nga suportaran ang iya kaugalingon bangud sang iya depekto sa iya lawas kag panghuna-huna.

“x x x.”

SEK 5. Seksyon 51 (A)(2) sang sang Layi sang Republika Numero 8424, suno sa pagkaamyendar, ginakilala man nga 1997 Punsudnon Nga Kasuguan Sang Rentas Internas, dugang pa nga ginaamyendaran pagabasahon nga masunod:

“SEK. 51. *Indibidwal na Pormas (Return)*. –

“(A) *Mga Kinahanglanon*. –

“(1) Luwas lamang sa nakatagna sa talata (2) sang sab-seksyon nga ini, ang mga masunod nga indibidwal kinahanglan nga magpasa sa pormas sang ila buhis sa kinitaan:

“(a) x x x;

“x x x.

“(2) Ang mga masunod nga indibidwal, indi na kinahanglan magpasa sang pormas sang buhis sa kinitaan:

“(a) x x x;

“(b) Ang indibidwal nga may kaugalingon nga kinitaan, suno sa pagkahulugan sang Seksyon 32 (A)(1), sa anuman nga nga ginhalinan sa sulod sang Pilipinas , ang nagakaigo nga buhis sa kinitaan sini ginhawiran na sa idalum sang mga probisyon sang Seksyon 79 sang Kasuguan nga

Ini: Maluwas lamang, sa mga indibidwal na may kinitaan sa duha ukon masobra pa ka mga empleo sa ano man nga mga oras sa sulod sang tuigan nga pagbuhis, siya magpasa sang pormas (return) sa buhis sa kinitaan;

“(c) x x x; kag

“(d) Ang nagakita sang minimum nga kinitaan suno sa pagkahulugan sang Seksyon 22 (HH) sang Kasuguan nga ini ukon ang indibidwal nga indi na kinhanglan magbayad sang buhis suno sa mga probisyon sang Kasuguan nga ini kag iban pa nga mga layi, sa kabilugan ukon espesyal.

“x x x.”

SEK. 6. Seksyon 79 (A) sang sang Layi sang Republika Numero 8424, suno sa pagkaamyendar, ginakilala man nga 1997 Punsudnon Nga Kasuguan Sang Rentas Internas, dugang pa nga ginaamyendaran pagabasahon nga masunod:

“SEK. 79. *Buhis sa Kinitaan nga Ginkolekta sa Ginhalinan Sini.* –

“(A) *Mga Kinahanglan sa Paghawid sang Buhis halin sa Kinitaan.* – maluwas lamang sa kaso sang mga nagakita sang minimum suno sa pagpakahulugan sang Seksyon 22 (HH) sang Kasuguan nga ini, ang tagsa ka mga naga-emplo nga magapasweldo mahimo nga magabuhin kag magahawid sa kinitaan nga ini sang buhis nga gindeterminar suno sa mga palasundan kag regulasyon nga gintagna sang Sekretaryo sang Pinansya, suno sa rekomendasyon sang Komisyoner.

“x x x.”

SEK. 7. *Hilway ng Epekto.* – Kon ang ano man nga probisyon sang Layi nga ini gindeklara nga inbalido kag indi suno sa Konstitusyon, ang iban nga probisyon nga wala naapektuhan sang nasambit nga probisyon, magapadayon nga may epekto kag ipatuman.

SEK. 8. *Nagapadula sang Epekto.* – Ang ano man ng alyi, dikreto sang Pangulo ukon pagpabutyag, aksuguang ehekutibo, sulat nga nagahatad instruksyon, kasuguang administratibo, kasugulan kag

regulasyon nga wala nagasunod sa probisyon sang layi nga ini, ginaamyendaran kag ginabag-o paagi sa layi nga ini.

SEK. 9. *Petsa Sang Pagpatuman.* – Ang layi nga ini ipatuman pagkatapos ang napulug lima (15) ka adlaw pagkatapos ini mabantala sa *Official Gazette* ukon sa bisan duha ka mga pahayagan nga mga pangkabilugan nga sirkulasyon.

Gin-aprubahan,

MANNY VILLAR  
*President of the Senate*

PROSPERO C. NOGRALES  
*Speaker of the House  
of Representatives*

This Act which is a consolidation of House Bill No. 3971 and Senate Bill No. 2293 was finally passed by the House of Representatives and the Senate on May 28, 2008 and May 27, 2008, respectively.

EMMA LIRIO-REYES  
*Secretary of the Senate*

MARILYN B. BARUA-YAP  
*Secretary General  
House of Representatives*

Approved: June 17, 2008.

GLORIA MACAPAGAL-ARROYO  
*President of the Philippines*